

續修陝西通志稿卷一百八十四

藝文二

史部

正史 別史 雜史 奏議 傳記 輿地 職官
時令 政書 金石

正史

史記貨殖列傳注一卷太史公自序注一卷前漢書食貨志注二卷藝文志注一卷清咸陽縣劉光賈撰

讀史卮言二卷清醴泉縣宋伯魯撰

國史讀本二十四卷清咸陽縣李岳瑞撰

岳瑞字孟符光緒癸未進士官工部主事

以上正史類凡六部

別史

通鑑綱目前編二十五卷明渭南縣南軒撰

續陝西通志稿卷一百八十四 藝文二

此書以金履祥通鑑前編陳經通鑑前編外紀合併刪削共為一編起自伏羲終於周威烈王然不明提綱分目之法冗瑣糅雜殊無可取至於引爾雅曰熊羆貔貅羆六者猛獸可以教戰引左傳曰龍角亢星也建戌之月見於東方故戒民以土工之事爾雅左傳皆無其文蓋有明一代八比盛而古學荒諸經註疏皆以不切於時文度置高閣故雜采類書以訛傳訛如此又金履祥受業王柏徵引師說稱子王子此書既盡變履祥之例而引王柏之說仍稱為子王子則更與不去葛龔同一例矣

存四庫目

雜史

雲南機務鈔黃一卷明富平縣張統撰

是編乃洪武初以雲南梁王未下命潁川侯傅友德等帥師征

之統以左參政在行間後平雲南統擢布政使留治其地檢閱錄黃彙本取前後制勅詔誥之文有關軍務者彙爲一編自十五年二月至二十一年七月凡三十七篇統自爲之序明史本傳載統出爲左參政在平雲南之後殆偶未考統此序歟

四庫提要

關隴思危錄四卷清高陵縣王生吉撰

生吉字靄臣武生積功授涇州都司

漢南思痛錄一卷清寧羌州陳才芳撰

同治壬戌回變記一卷清華州劉如玉撰

如玉字品三太學生

光緒丁丑歲荒記一卷清蒲城縣高偉騫撰

偉騫字吉堂同治癸酉舉人

春冰室野乘清咸陽縣李岳瑞撰

續陝西通志稿

卷一百八十四

藝文二

一一

以上雜史類凡六部

奏議

郭忠武章奏一卷唐郭子儀撰

王端毅公奏議十五卷明三原縣王恕撰

恕吏部奏議九卷宏治四年文選郎孫交編次李東陽序之後兵部尙書王憲取其自大理寺左寺副至南京兵部尙書時奏議六卷刻於蘇州御史程啓元又刻於三原正德辛巳三原知縣王成章合二本刻之第一卷爲大理寺及巡撫荆襄河南時所上二卷爲南京刑部戶部及總理河道時所上三卷爲雲南巡撫時所上四卷爲前參贊機務時所上五卷爲巡撫南京時所上六卷爲後參贊機務時所上七卷至十五卷皆吏部所上劉昌懸笥瑣探稱恕歷仕四十五年凡上三千餘疏則此猶汰

而存之者矣明史恕本傳稱其歟歷中外五十餘年剛正清嚴始終一致集中所載如參奏鎮守太監及論中使擾人等疏皆剴切直陳無所回護又如處置地方及撥船事宜諸狀皆籌畫詳盡具有經畧其他亦多有關一時朝政可資史傳之參證沈德符顧曲雜言稱邱濬作五倫全備雜劇王恕謂其程學大儒不宜留心詞曲濬大恨之遂謂恕所刻疏稿凡成化間留中之疏俱書不報故彰先帝拒諫之失侍醫劉文泰因以此事疏攻恕恕因去位所以報恕之輕詆也明史恕傳則謂二人因爭坐位故構是獄案濬本狠伎恕一日不去則濬一日不得快其私其忌恕未必以此數語亦未必以此一事然恕亦乖避人焚草之意故史謂其昧於遠名之戒今刊本已無此二字或後來削

之歟

四庫提要

續陝西通志稿

卷一百八十四

藝文二

三三

玉坡奏議五卷明三原縣張原撰

原字士元正德甲戌進士授吏科給事中以疏論時事謫貴州新添驛丞嘉靖元年召復故官坎珂八年其志不挫益以慷慨直諫自許如正殷通等陞職世襲疏趙雲陞命疏選近習疏請逐太監蕭敬二疏論錦衣衛朱宸等罪狀疏寢楊倫職命疏停國戚張鶴齡等恩典疏停司禮監乞請疏論國戚張延齡等罪狀疏論內宦提督織造疏論張璉桂萼疏皆力折權倖不避禍患言人所不能言今具載集中當其賜環之初趙漢與之同科贈之以詩有碧桃雨露空千樹老竹冰霜見一竿句又有回來龍劍星文在遲暮提攜得共看句今載漢漸齋詩稿中觀於是集原可不愧斯言矣

四庫提要

眞定奏疏一卷附刻一卷明韓城縣衛楨固撰

楨固號紫嵐崇禎甲戌進士官至雲南道監察御史此乃其巡按眞定時所上疏稿也凡二十六篇其論劾白廣恩淫掠及領兵官潘鳳閣擅責縣官諸疏明季軍政之不修可以概見一二其子執蒲跋而刻之執蒲字禹濤順治辛丑進士官至左都御史其初授監察時適亦得雲南道遂以已疏一册附刻其後

目存

張襄壯奏疏六卷清咸寧縣張勇撰

是集爲其子雲翼所編始於順治六年謝實授甘肅總兵官疏終於康熙二十三年甘州遺疏凡百二十篇勇初任甘肅總兵官時即內值肅州回民作亂外值昂漢夷人窺邊日事攻討中間奉調南征旋回甘肅復值王輔臣之亂往來征勦日無寧晷其沒也猶以防禦麥力幹之故力疾出師卒於軍營計始終兵

續陝西通志稿

卷一百八十四

藝文二

四一

間四十餘年王進寶趙良棟等皆由其偏裨起爲名將自康熙十三年以後箭創病足以肩輿督師者十年屢乞解職皆荷優詔慰留臥理蓋兩朝知遇之深諸將無逾於勇者今觀集中諸疏大抵皆兵間所作並剴切詳明言無不盡讀之可見開國之初底定秦隴之方畧並可見列聖知人善任風雲際會極千載一時之盛焉

四庫提要

西臺奏議一卷京兆奏議一卷附曲徒錄一卷清宜君縣楊素蘊撰

西臺奏議爲四川道監察御史時所上京兆奏議官順天府尹時所上曲徒錄則東明劉祚昌集其劾奏吳三桂疏及謫官復起始末也然三桂逆迹一形素蘊即邀擢用未可謂之曲突徒薪無恩澤也祚昌之命名亦不思之甚矣

四庫存目

王文端公奏疏四卷清韓城縣王杰撰

居易堂奏疏清潼關廳張澧中撰

澧中字蘭沚嘉慶丁丑進士官山東巡撫

焚餘草二卷清醴泉縣宋伯魯撰

以上詔令奏議類凡十部

傳記

元儒考畧四卷明長安縣馮從吾撰

是編乃集元代諸儒事實各爲小傳大抵以元史儒學傳爲主而旁採志乘附益之中有大書特傳者亦有細書附傳者皆據其學術之高下以爲體例頗爲叢碎又名姓往往乖舛如歐陽元別號圭齋今乃竟題作歐陽圭旣以號作名又刪去一字校讐亦未免太疎然宋儒好附門牆於淵源最悉明儒喜爭同異

續陝西通志稿

卷一百八十四

藝文二

五

於宗派尤詳語錄學案動輒災梨不啻汗牛充棟惟元儒篤實不甚近名故講學之書傳世者絕少亦無匯合諸家勒爲一帙以著相傳之系者從吾掇拾殘剩補輯此編以畧見一代儒林之梗概存之亦足資考證物有以少見珍者此之謂歟

四庫提要

李衛公通纂四卷明三原縣王承裕撰

承裕與唐李靖同里故旣爲建祠又纂其遺事爲此書凡史牒纂一卷遺作纂一卷文集纂一卷存蹟纂一卷所載皆習見之文至李衛公問對一書出自阮逸僞託而一概列入絕無辨證可知其考訂之疏矣

四庫自序

東林點將錄一卷明咸寧縣王紹徽撰

其書以水滸傳晁蓋宋江等一百八人天罡地煞之名分配當時搢紳今本缺所配孔明樊瑞宋萬三人蓋後人傳寫佚之卷

末有跋稱甲子乙丑於毘陵見此錄傳爲鄒之麟作所列尙有沈應奎繆希雍二人與此本不同蓋其時門戶蔓延各以恩怨爲增損不足爲怪又稱許其孝陳保泰楊春茂郭鞏四人後列逆案不知何以廁名或作此書時尚未附忠賢耶閻若璩潛邱劄記亦有與王宏撰書頃問點將錄果出貴鄉王紹徽手否先生以此書實出阮大鍼王偶失闕歡謀所以解之術於阮阮授以是書而王上之而世遂以名之細思之殊不然兒時讀點將錄記沒遮攔穆宏乃大鍼豈有自作此錄而竄入己姓名者云云則當時已傳聞異詞然崇禎定逆案以此錄屬之紹徽於時公論方明諒非誣讎明史本傳亦以此書屬紹徽然則輾轉傳寫雖或有竄改其造謀之人要終不能以浮詞他說解也

四庫
存目

關學編五卷清鄠縣王心敬撰

續陝西通志稿

卷一百八十四

藝文二

六一

初明馮從吾作關學編心敬病其未備乃採摭諸書補其闕畧成此書從吾原編始於孔門弟子秦祖終於明代王之士心敬所續輯者於秦祖之前增伏羲泰伯仲雍文王武王周公六人於漢增董仲舒楊震二人明代則增從吾至單允昌凡六人又附以周傳誦黨還醇白希彩劉波王侶諸人國朝惟李容一人則心敬之師也明世關西講學其初皆本於薛瑄王恕又別立一宗學者稱爲三原支派大抵墨守主敬窮理之說而崇尚氣節不爲空談黃宗羲所謂風土之厚而加之以學問者從吾所紀梗概已具心敬所廣推本義皇以下諸帝王未免溯源太遠又董仲舒本廣川人心敬以其卒葬皆在關中因引入之亦未免郡縣志書牽合附會之習也

四庫
存目

郭公家傳八卷寵命錄二十卷宋李廌撰

寇萊公榮命錄十二卷宋寇準撰

陰晉異函二卷清華陰縣李汝榛撰

汝榛乾隆癸酉舉人官溧水縣知縣

昔李吉甫敍元和郡縣志謂敍邱墓徵鬼神非地志之要而太史公獨好言鬼神以爲雍州積高神明之隩自秦文公祠白帝夸禎符後世至傳秦穆公上天始皇時華陰神且以璧遺鎬池君而漢武帝求神仙方士言神祠者彌衆及唐都關中華陰祠爲四方冠蓋游宦出入之所瞻謁於是自秦漢來恢奇俶詭之事學士大夫益震瀑其說曼衍其詞光景動人民而雜出於小說傳記者不可勝數也乾隆時華陰李小泉先生自溧水令罷歸專以文史自娛既修華陰縣志成乃取仙佛神怪之事可喜可愕者別爲一書曰陰晉異函蓋不悉載之志乘者固本李吉

續陝西通志稿

卷一百八十四

藝文二

七一

甫實事求是之意而旁採博取必萃而不遺亦太史公著書多好奇之意與顧太史公以意有所鬱結不得據故著書詞稱微妙難識封禪書言宛若陳寶事靈貺昭應屑如有聞而使人自得其誣罔之意於言意之表今先生皆網羅舊聞不自爲作而時亦附見己意若莊若俳以寄其慷慨排臬不合乎流俗之意蓋其雄於文廉於史而不得遂於官者後之人亦可概其素抱焉則是書也謂爲先生所自作可也

梅伯序

重刻關學編八卷清長安縣柏景偉撰

馮恭定公關學編首聖門四賢卷一宋橫渠張子九人卷二金元楊君美先生十二人卷三明段容思先生九人卷四呂涇野先生十三人公序其前而岐陽張鷟山序其後此原編也豐川續之則自少墟以及二曲門下諸子周勉齋即續豐川於其後

桐閣又續之則於宋補游景叔於明補劉宜川諸人以及國朝之王零川賀復齋又續七人即列桐閣於其中爲續編三卷豐川編遠及義文周公下及關西夫子而下非恭定所編例去之列既竟乃書其後曰自周公集三代學術備於官師見於七畧道學之統自關中始成康而後世道陵夷遂至春秋大聖首出東魯微言所被關中爲畧降及戰國秦遂滅學漢唐諸儒訓詁箋注循流而昧其源逐末而亡其本自宋橫渠張子出與濂洛鼎立獨尊禮教王而農諸儒謂爲尼山約傳可駕濂洛而上然道學初起無所謂門戶也關中人士多及程子之門宋旣南渡金谿兄弟與朱子並時而生其說始合終離而朱子之傳特廣關中淪於金元許魯齋衍朱子之緒一時奉天高陵諸儒與相唱和皆朱子之學也明則段容思起於皋蘭呂涇野起於高陵

持究末嘗同也然則主靜窮理與先立乎大致良知之說得其所以同亦何害其爲異也明白神宗倦勤公道不彰朝議紛然東林諸儒以清議持於下講肆林立極豐而蔽蓋有目無古今胸無經史侈談性命者矣紀綱漸壞中原鼎沸諸儒目經亂離痛心疾首遂謂明不亡於流賊而亡於心學於是矯之以確守程朱矯之以博通經史矯之以堅苦自立承平既久而漢學大熾以訓詁箋注之爲加於格致誠正之上不惟陸王爲禪即程朱亦遜其記醜而博亦何異蜀胡角立而章蔡承其後也景偉少失學三十後始獲讀劉念臺先生書幸生恭定公鄉近又膺關中講席爲恭定講學之地乃與同志重葺恭定公祠而以其左右爲少墟書院因刊恭定所編關學而並及豐川桐閣復齋之續凡以恭定之學爲吾鄉人期也竊謂士必嚴義利之辨範

之以禮而不自欺其心則張子所謂禮教與聖門克己復禮成周官禮未必不同條共貫是即人皆可爲堯舜之實而紛紜之說均可以息亦何人不可以自勉哉嗚呼是恭定望人之苦心亦刊恭定遺編者之苦心也

自序

嗚呼此余友豐西柏子俊先生所刻關學編也關學之編始於馮恭定公王豐川續之又刻李桐閣賀復齋所續於後而先生沒已期年矣先生病急口授余義例爲序於前俾余序其後余復何言然習先生性情行誼莫余若而是書之刻又多商榷其所以刻與資之所由來及平日議論及於是書者不可無一言於後先生性伉爽學以不欺其心爲主嫉惡嚴人有小過不相假借改之則坦然無間其有善識之不忘逢人稱述士以此畏而愛之喜岳武穆君臣之義本於性生語嘗謂余曰此可括西

銘之蘊知父子天性而不知君臣不能視萬物爲一體求忠臣於孝子義本於仁也移孝作忠本仁以爲義也忠孝一源明新一貫千古要術皆充仁以爲義而非有他也故論學力除門戶之見而統之以忠孝光緒丁亥憲司延先生主講關中書院書院爲恭定講學地先生又生於其鄉乃訪恭定祠舊址擴而新之旁爲少墟書院以少墟之學迪其鄉之士廉訪曾公懷清割俸屬刻是編而恭定原本無恭定傳乃取豐川所續繼之後之與於關學者又不得畧焉則不惟非恭定本亦非豐川本矣涇陽王葵心先生以身殉明大節凜然與西人天主之說汨三綱者截然不同然事天之說正西人所藉口鄉曲之儒畧迹而識其眞者幾人先生常欲去之書出則仍在焉其先生病未暇親檢與抑亦人果無愧忠孝不妨寬以收之與先生沒無可質證

然學卒歸於忠孝則亘古至今未有能議其非者而今之從事

西學者均能知有君父則算術技巧非必無補於世也

劉光賈跋

文廟備考八卷清朝邑縣趙映奎撰

映奎字斗屏歲貢官中部訓導

道之大原出於天而備於聖人粵自皇古神靈首出靡弗開天明道以啓萬世之沌蒙如天皇氏作甲子伏羲氏畫八卦以及軒轅氏制衣冠創舟楫釐禮訂樂郁郁乎文明景運矣然神聖渾噩亦各率其天亶之聰以繼天立極若以心法垂爲道統使神聖之經綸草昧昭然知所從事者則惟堯舜之危微精一數語降及三代曰祗台曰聖敬曰緝熙是即惟一之旨也曰綏猷曰建中曰建極是即執中之統也惟我至聖先師秉天縱之資殫不厭之學博學於文而千百世之聖作明述皆歸於敏求約

之以禮而千百世之隆規懿範皆萃於躬行其告曾子曰一以貫告子貢曰一以貫以見一爲萬理總會而所以措施庶事之本也其於中之上冠以時見時中無定體隨時而在非可以膠固執之也於中之下實以庸以見中爲日用平常之道非所謂冥冥昏默也由是心法常昭而如日月之代明道統永綿而如四時之運行顏曾思孟所謂見而知之者也周程張朱所謂聞而知之者也中如漢之董唐之韓雖未臻乎大醇然天人三策原道諸篇亦幾幾乎升堂而窺室矣至漢初諸儒雖未免於章句之學然或守殘編於灰燼之餘或口授於絕續之交則所謂道寄於文文足見道者亦有取焉而元之許魯齋明之胡敬齋薛敬軒清之陸稼書粹然一出於正者勿論矣是故自漢以來建祠崇祀歷代有加然或贈封爵或崇美諡雖其所以尊禮斯

道者未嘗不至而卒未歸於至當明世宗則尊孔子曰至聖先師尊及門者曰先賢尊從祀者曰先儒瓊山邱氏曰夫子爲萬世尊仰者在道德不在爵位誠哉斯言也清於孔子則追崇其五代於周程張朱則追祀其所生而周程張子則躋於先賢之次朱子則躋於十哲之次德厚者流光德薄者流卑折衷爲盡善矣余秉鐸中部朔望展謁春秋與祭觀典禮之隆備挹道德之光輝於孔子之德容禮貌恍然見聖之希天也於先賢之追隨侍立恍然見賢之希聖也於先儒之居敬窮理恍然見士之希賢也崇祀從祀不但足以右享先師而實足以感發後學仰慕之懷知心法道統一脈相傳如此余因退而搜羅學宮凡列聖頒書有在於文廟者如樂章禮器數大端又得闕里文獻考一書先賢先儒愈得其詳於是節錄一本名曰先賢先儒位次

考入於學署交代冊內以爲後之任斯職者考據又錄其全本彙爲一集藏於書筭以備朝夕學習用寓希聖希賢之慕夫心法者聖賢相傳之宗旨道統者萬世人道之綱維未有心不純一少雜物欲而能與夫道統者也亦未有大德踰閑細行不矜而能會夫心法者也故儒者誠正其心湛然粹然於是見諸行事莫非天理流行之實達而在上堯舜其君民窮而在下樹表於純修其生也善世不伐德博而化其死也師範百世聞風興起試入廟而觀從祀之容披卷而玩學術之正孰非戰兢自持戒懼不息以心法而上溯道統者乎程子曰得不傳之學於遺經朱子曰天理民彝不可泯滅百世之下必將有神會而心得之者其在斯歟其在斯歟

序

興賢學倉志二卷清安康縣張鵬飛撰

續陝西通志稿

卷一百八十四

藝文二

一一二

鵬飛字補山道光辛巳舉人

難矣哉師之彊人以學也上士貧而學中士療其貧而學下士雖療其貧不學常林之帶經耕鋤王尊之牧羊竊學陽城之爲吏竊讀匡衡之鑿壁引光承宮之牧羊聽經之數君子者不嗜利不憂貧其視頽垣敗屋荒墟古原皆費舍也斷齋畫粥糠粃麩屑即月餼也有書院而學無書院而亦學有膏火獎賞而學無膏火獎賞而亦學貧而學者上也吾聞諸昔未覩於今下焉者嗜利而已憂貧而已雖有賢父兄弗能禁有良有司弗能勸惟驅諸農工商賈之中使之動手足謀衣食無爲閒民無爲莠民足矣學非其事也中材之士亦不能不嗜利不能不憂貧加以市井之哂聒流俗人之濡染沈溺深精神敝亦終於下而已矣風俗日以頹人才日以少斯天下之大患也有投以所嗜者

俾以嗜利之心變而嗜學學進則利不足嗜矣有爲之釋其憂者俾以憂貧之心轉而憂道道明則貧不足憂矣不憂貧不嗜利則上矣官司之所督師儒之所勉書院之所收學田學倉之所養凡以化天下之中材進於上而不流於下也名儒良吏蔚然興起於學校之中處則爲鄉閭式出則爲國家用今日之計蓋未有急於此者安康無書院有學倉學田創於明嘉靖中盛於萬歷淆於崇禎之末稍釐正於清康熙五十五年全失於乾隆四十八年興復於道光二十二年復學倉更捐廉增置者今浙江鹽運司前分巡陝安兵備道蔡公瓊與今陝安兵備道兆公那蘇圖也請復者爲邑歲貢生前涇州訓導趙先生祥先後圖成者爲邑舉人署畧陽縣教諭鄆淳孝洵陽縣舉人劉繼旰增廣生郝英武進士前桂林營參將李紅標前護金鎖關營都

有世運有教育然後有人才有經費然後有教育倉無穀則空倉也田不得租則石田也安康舊無學倉自前明丁公致祥郭公元柱李公天麟前後爲關南道而學倉立鄉賢劉公宇屠公鳳翔王公道榮踵其事而學倉盛至流寇躡城邑肆殺掠而學倉壞州牧吳六鼇與邑中八大家鬻書院吞學田而學倉亡今趙郝諸先生得請於前後觀察蔡兆二公而學倉復謂自今以往學倉久存更無吳六鼇八大家其人乎吾不敢謂其必無也謂爭奪之後淪胥以敗更無修廢舉墜解紛糾繁如昔之丁郭李三公今之蔡兆二公昔之劉屠今之趙郝諸人乎吾又決其必無是理也天道有屯亨人事有臧否學倉之盛衰因之盛者有時而衰興者必不可終廢偶有外患局內人同心捍之雖有鋸牙鉤爪彼其奈我何哉竊有一言敬告諸公倉正司倉田正

司田齋長司齋各司其事且互爲稽察立法周詳吾無以易之訓課諸生總稽諸事者倉長也今之倉長得人矣學於倉者駸駸乎進於上矣今之倉正田正齋長並得人矣外患信不能入矣能保後來者盡如今之人哉計惟有禁憂貧嗜利者潛伏其中外結織人內恣侵蝕心腹之疾鬱積不發發則潰敗決裂雖虛扁不能救藥矣此又不可不慎也

路德序

今之教士者動責以砥礪廉隅不知世不皆夷齊孔子若並無疏水顏子若並無簞瓢想亦無從樂起故宋元大儒講理學者必自治生始所謂恆心生於恆產眞道學也然恆產之治斷難望於井田既廢之後今惟書院膏火之資猶留古來養士遺意若荒廢者力爲整頓薄歛者上爲倡捐延名師以嚴爲教讀集益友以廣爲切磋將上哲可爲漢宋名儒中材亦勉爲循良正

士駸駸焉不懈而及於三代以上補山先生懷班馬之才挾龔黃之績而不遇於時退居鄉里重修文廟創建塔峯信義孚於人心一呼百諾而鉅功立成又查明時名宦鄉賢所捐田四百餘畝設立學倉以爲養士之資至崇禎兵燹之後悉沒於官師豪強之手二百餘年積重難返先生隨同紳耆稟明前後陝安道蔡兆二公一一籍出興復興賢學倉於人所不敢問之程而慨然獨往於人所不能之舉而挺然獨肩任勞任怨任津貼毫無所恤且舉五年應得脩脯錢六百七十六緡續增學田又捐經史子集法帖四百八十餘種其培養人才之法俱從真心血性中流出非抱古君子之風而能若此哉儒者達而在上則斯世斯民必有功於廊廟窮而在下則言慈言孝期惠及於鄉鄰或出或處跡分顯晦而自任之道無鉅細則一也

高建
頤序

續陝西通志稿

卷一百八十四

藝文二

一五一

華州里民懇減差徭記一卷清華州吳榮疆撰

榮疆字錦堂歲貢生

聖蹟備考一卷清臨潼縣郭忠清撰

孔門言行錄四卷清三水縣文應熊撰

通鑑至聖備考二卷清汧陽縣蒲申錫撰

申錫字式南拔貢官西鄉縣教諭

考史稱漢景帝時文翁爲蜀郡守修學宮於成都市中爲石室祀孔子以顏曾以下高弟配享後世文廟從祀延及諸儒其原皆自文翁發之至武帝時乃令天下郡國皆立學校實自文翁爲之始歷代沿革損益異制詳考大清會典順治十四年議改謚號爲至聖先師孔子康熙五十一年以朱子升配十哲五十四年以宋儒范仲淹從祀東廡雍正元年追封孔子五代自叔

梁公以上至木金父並爲王爵二年復林放蘧瑗秦冉顏何鄭康成范甯六人從祀又增祀孔門弟子縣賈牧皮孟子弟子樂正子公都子萬章公孫丑漢諸葛亮宋尹焞魏了翁黃幹陳淳何基王柏趙復元金履祥許謙陳浩明羅欽順蔡清清陸隴其二十人又以宋張子橫渠之父迪增入崇聖祠乾隆三年以有子升配大成殿之十一哲尊崇之典超軼千古凡以孔子樹百王之模範立萬世之師宗其諸賢諸儒皆有羽翼聖經扶持名教之功故典禮若此其隆也然卷帙浩繁翻閱不易余司鐸甯甯之明年夏伏讀御批資治通鑑綱目載至聖生平事蹟並歷代臨謁拜墓加封增秩以及從祀先賢先儒朝代經聖天子評定博稽詳考纖悉靡遺較闕里志人物考頗爲詳備手錄一册瞭如指掌通鑑綱目所未載概畧而不書至於表歲首年因年

續陝西通志稿

卷一百八十四

藝文二

一六一

著統大書提要分注備言悉遵綱目舊例書記而已述云乎哉輯成閱五載西邑弟子員請鉸棗梨公諸同志誼不獲却又三復讐正並詳顛末弁於篇首

自序

勇烈節孝彙編一卷清涇陽縣牛振聲撰

振聲字涇村道光戊子舉人官城固教諭

毛羽之有麟鳳無人不以爲瑞也草木之有松梓無人不以爲珍也人之節孝義勇亦人中之麟鳳松梓也毛羽草木處處有之而麟鳳松梓不可多得者形氣之生一成不變非生而爲麟鳳者終不得爲麟鳳非生而爲松梓者終不得爲松梓若節孝義勇乃天之所以生人人人有麟鳳松梓之質而自戕之自變之甘爲尋常之毛羽草木而不辭不亦惜哉雖然彼非不欲節孝義勇也所欲有甚於此者雖欲焉而不肯爲矣非不惡不

節不孝不義不勇也所惡有甚於此者雖惡焉而不違恤矣使其欲節孝義勇之心更無物焉以奪之其惡不節不孝不義不勇之心更無物焉以屈之將人人爲節孝義勇而恥爲不節不孝不義不勇此牛涇村司諭節孝義勇錄之所由彙也涇村教諭城固與渥夫李公合志同道凡所以維風化厚人倫者知必爲爲必力採邑人節孝義勇若干名旌之爲建總坊籌經費爲祠祭牲醴之需俟復恐邑之人視爲故常而漠不經心也屬涇村爲之彙編各臚列姓名繫以小傳又綴以古事又綴以儒先緒論辭旨明切婦孺可曉俾人之欲節孝義勇者見之而奮然興其不節不孝不義不勇者見之而慙然慚恍然戒其所以教諭之者周矣抑吾聞之以身教者從以言教者訟使涇村但以言教言雖難能必聽言者之不訟乎涇村幼失怙恃賴乳母夫

婦撫養成立自傷其不逮事父母也遂母其乳母而父其乳母之夫遊泮後筆耕奉養孝子之養其父母者不是過也乳母夫婦沒盡哀盡禮卜地以葬孝子之葬其父母者不是過也此余之所目覩也里有晏貞女者幼許字里人某某客巴里坤久不歸女家貧戚族將奪而嫁之女不可矢志守貞涇村知女之無以自贍也恐終不免於奪爰置田若干畝爲女衣食資乃詳述顛末書數十紙託里人之賈巴里坤者徧貼通衢間某見之感泣而歸與女合昏夫婦皆四十歲矣余作詩以紀其事既舉於鄉硯田所入漸豐有義舉必倡爲之處脂不潤履險如夷百折不回毅然獨行數爲人排難解紛任艱鉅耐煩勞而却其酬其於節孝義勇也匪惟心慕之蓋力行之矣宜其言之親切而有味也不然夫子教我以正夫子未出於正人將援爲口實而與